

fengið örlítið brot af höfuðskel. Brot þetta sýndi hann vitringunum, er lögðu það á metaskálar og steypti hann ógrynni af gulli og silfri á móti, en þó varð sú skálin léttari. Helti hann þá meira og lagði ofan á kórónu sína, gimsteina sína og höfuðdjásn. En enn þá óg hauskúpubrotið niður skálina. Tók þá einn vitringanna nokkur duftkorn af jörðinni og lét ofan á beinið, og sjá! Við það lyftist skálin upp.

Bein þetta var umgjörð mannsaugans. En ekkert seður mannlegt auga nema duftið, er að síðustu hylur það í gröfinni.

Þegar réttlátur maður deyr, bíður heimurinn skaða. En gimsteinninn verður ætíð gimsteinn, þótt hann gangi úr eigu fyrra eigandans, en sannarlega má eigandinn syrgja.

Lífið er umbreytingar skuggi segja ritningarnar. Eirs og skuggi frá turni eða tré, skuggi er varir um stund? Nei, heldur eins og skuggi fugls, sem er á flugi. Það líður svo úr augsýn og hvorki fugl né skuggi nema staðar.

Aths. :— Eins og sjá má af þessum útdrátti, svipar sögum og líkingum Talmudsins mjög til dæmisagna Jesú í N. T. Enda er hann oft nefndur Nýja Testamenti Gyðinganna.

HEIMIR

12 blöð á ári, 24 bls. i hvert sinn, auk kápu og auglýsinga.

Kostar **einn dollar** um árið. Borgist fyrirfram.

UTGEFENDUR: NOKKRIR ÍSLENDINGAR Í VESTURHEIMI.

Afgreiðslustofa blaðsins: 582 Sargent Avenue.

RITSTJÓRI: Rögnvaldur Pétursson, 533 Agnes Street.

PRENTARI: Gísli Jónsson, 582 Sargent Ave.